



Broj: 12-11-15-60/22
Sarajevo, 11. 1. 2022. godine

Na osnovu člana 70. i člana 89 stav (3) Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke goriva za službena motorna vozila putem konkurentskog zahtjeva za dostavu ponuda, za potrebe Ureda za reviziju institucija u Federaciji Bosne i Hercegovine za budžetsku 2022. godinu (obavještenje o nabavci broj: 296-7-1-28-3-29/21, objavljeno na Portalu javnih nabavki 6. 12. 2021. godine), date u Zapisniku broj: 12-11-15-3114-10/21 od 21. 12. 2021. godine, generalni revizor donosi

ODLUKU

o izboru najpovoljnijeg ponuđača za nabavku goriva za službena vozila

I

U postupku javne nabavke goriva za službena vozila za potrebe Ureda za reviziju institucija u Federaciji Bosne i Hercegovine, putem konkurentskog zahtjeva za dostavu ponuda, Ugovorni organ donio je odluku o izboru najpovoljnije ponude ponuđača: „Hifa-Petrol“ d.o.o. Sarajevo.

II

Zadužuje se Odjeljenje za pravne i opće poslove i ljudske resurse da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke, elektronskom poštom, preporučenom poštom ili neposredno.

III

Ova Odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je, u skladu s odredbama Zakona o javnim nabavkama („Službeni glasnik BiH“, broj 39/14), Odlukom broj: 12-11-15-3114/21 od 1. 12. 2021. godine, pokrenuo postupak javne nabavke goriva, putem konkurentskog zahtjeva za dostavu ponuda za službena vozila za potrebe Ureda za reviziju institucija u Federaciji Bosne i Hercegovine za budžetsku 2022. godinu.

Obavještenje o javnoj nabavci broj: 296-7-1-28-3-29/21 objavljeno je na Portalu javnih nabavki 6. 12. 2021. godine.

Uporedo sa objavljivanjem obavještenja o nabavci i tenderske dokumentacije na Portalu javnih nabavki, Ugovorni organ uputio je Zahtjev za dostavljanje ponuda na tri adrese dobavljača, i to: Energopetrol d.d., G-PETROL d.o.o. i Hifa-Petrol d.o.o. Sarajevo.

Komisija za javne nabavke za izbor najpovoljnijeg ponuđača za nabavku goriva za službena motorna vozila za potrebe Ureda za reviziju institucija u Federaciji Bosne i Hercegovine imenovana je Rješenjem generalnog revizora broj: 12-11-15-3114-1/21 od 1. 12. 2021. godine provela je postupak javne nabavke u skladu sa Zakonom o javnim nabavkama i podzakonskim aktima, te sačinila Zapisnik o otvaranju ponuda, Analitički prikaz traženih i dostavljenih dokumenata – Kvalifikacija ponuđača broj: 12-11-15-3114-9/21 od 21. 12. 2021. godine i Zapisnik o pregledu i ocjeni ponuda, broj: 12-11-15-3114-10/21 od 21. 12. 2021. godine, u kojim je konstatovano:

- u predmetnom postupku nabavke i nadmetanju, Ugovornom organu ponudu je dostavio jedan ponuđač i to Hifa-Petrol d.o.o. Sarajevo;
- ponuđač Hifa- Petrol d.o.o. Sarajevo je kvalificiran ponuđač;
- primljena je jedna prihvatljiva ponuda i e-aukcija se ne može zakazati, nego se postupak okončava u skladu sa članom 69. Zakona;

- članom 89. stav (3) Zakona o javnim nabavkama propisano je: „Kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od 10 dana od dana okončanja postupka javne nabavke.“

Na prijedlog Komisije, Ugovorni organ donio je Odluku kao u dispozitivu.

Pouka o pravnom lijeku:

U skladu s članom 99. i članom 101. Zakona o javnim nabavkama, protiv ove Odluke može se uložiti žalba u roku od 5 (pet) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostaviti:

- Hifa-Petrol d.o.o.
- a/a



GENERALNI REVIZOR

Dževad Nekić